



Sumáriu Kazu
Tribunál Distritál Baucau
Periódú Novembru 2016

A. Sumáriu prosesu julgamentu kazu iha Tribunál Distritál Baucau

1. Totál kazu ne'ebé JSMP monitoriza: 40

| Tipu Kazu | Númeru |
|---|---------------|
| Artigu 145 Kódigu Penál (KP) & artigu 35 letra (b) Lei Kontra Violénsia Doméstika (LKVD) - Ofensa ba integridade fízika simples ho natureza violénsia doméstika | 13 |
| Artigu 145 (KP) - Ofensa ba integridade fízika simples | 10 |
| Artigu 154 Kódigu Penál (KP) & artigu 35 letra (b) Lei Kontra Violénsia Doméstika (LKVD) - Maus tartus ba konjuje ho natureza violénsia doméstika | 4 |
| Artigu 258 (KP) - Danu simples | 3 |
| Artigu 259 (KP) - Danu agravadu | 1 |
| Artigu 145 Kódigu Penál (KP) & artigu 35 letra (b) Lei Kontra Violénsia Doméstika (LKVD) no 157 (KP) - Ofensa ba integridade fízika simples ho natureza violénsia doméstika no ameasa | 1 |
| Artigu 155 Kódigu Penál (KP) & artigu 35 letra (b) Lei Kontra Violénsia Doméstika (LKVD) - Maus tratus ba menór ho natureza violénsia doméstika | 1 |
| Artigu vs | 1 |
| Artigu 148 (KP) - Ofensa ba integridade fizika negligente | 1 |

Rua Beco Lakateu, Aldeia Manu fuik,
Suku Colmera, Administrativu Vera Cruz
Dili Timor Leste
PoBox: 275

Telefone: 3323883 | 77295795

www.jsmp.tl

info@jsmp.minihub.org

Facebook: www.facebook.com/timorleste.jsmp

Twitter: @JSMPtl

| | | |
|-----------------|--------------------------------------|-----------|
| Artigu 146 (KP) | - Ofensa ba integridade fízika grave | 1 |
| Artigu 251 (KP) | - Furtu simples | 1 |
| Artigu 157 (KP) | - Ameasa | 1 |
| Artigu 252 (KP) | - Furtu agravadu | 1 |
| Artigu 322 (KP) | - Explorasaun ba jogu ilísitu | 1 |
| Totál | | 40 |

2. Totál desizaun ne'ebé JSMP monitoriza : 31

| Tipu desizaun | Númeru |
|--|---------------|
| Suspensaun ba prizaun nia ezekusaun artigu 68 Kódigu Penál | 16 |
| Omologa dezisténsia keixa | 12 |
| Pena multa tuir artigu 67 hosi Kódigu Penál | 2 |
| Absolve | 1 |
| Totál | 31 |

3. Total kazu sira ne'ebé adia tuir JSMP nia monitorizasaun :

| Razaun adiamentu | Númeru |
|------------------------------|---------------|
| Parte sira la marka prezensa | 5 |
| Totál | 4 |

4. Totál kazu sira ne'ebé sei kontinua prosesu tuir JSMP nia monitorizasaun : 4

B. Deskripsaun sumáriu ba desizaun kazu sira ne'ebé JSMP monitoriza:

1. Krime furtu simples

Nú. Prosesu : 0287/11. PDBAU
 Kompozisaun Tribunál : Singulár
 Juis : Dr. Jose Goncalves

Ministériu Públiku : Dr. Luis Hernani Rangel da Cruz
Defeza : Dr. Antonio Fernandes (Defensória Pública)
Tipu desizaun : Omologa pedidu dezisténsia keixa

Iha 4 Novembru 2016, Tribunál Distritál Baucau prezide julgamentu tentativa konsiliaun ba krime furtu simples ne'ebé envolve arguidu FSR hasoru lezadu JNP, iha Distritu Viqueque.

Ministériu Públiku akuza arguidu kontra artigu 251 Kódigu Penál kona-ba furtu simples ho moldura penal too tinan 3 ka multa.

Iha prosesu tentativa konsiliaun ne'e, lezadu husu ba Tribunál atu deziste nia-keixa hasoru arguidu tanba antes ne'e arguidu ho lezada dame malu ona.

Ministériu Públiku no Defeza apresia no konkorda ho akordu ne'ebé parte rua decide ona no husu ba Tribunál atu omologa akordu ne'e.

Bazeia ba akordu hosi parte rua no pedidu dezisténsia keixa hosi lezadu, Tribunál konsidera no omologa akordu hosi pedidu dezisténsia keixa ne'e.

2. Krime ofensa ba integridade fizika simples

Nú. Prosesu : 0014/16. BCBCV
Kompozisaun Tribunál : Singulár
Juis : Dr. Jose Quintao
Ministériu Públiku : Dr. Luis Hernani Rangel da Cruz
Defeza : Dr. Antonio Fernandes (Defensória Pública)
Tipu desizaun : Omologa pedidu dezisténsia keixa

Iha 8 Novembru 2016, Tribunál Distritál Baucau prezide julgamentu tentativa konsiliaun ba krime ofensa ba integridade fizika simples ne'ebé envolve arguidu JdS, MDC no CdC hasoru lezadu DRdS, iha Distritu Baucau.

Ministériu Públiku akuza arguidu kontra artigu 145 Kódigu Penál kona-ba krime ofensa ba integridade fizika simples ho moldura penal too tinan 3 ka multa.

Iha prosesu tentativa konsiliaun ne'e, lezadu husu ba Tribunál atu deziste nia-keixa hasoru arguidu sira tanba antes ne'e arguidu sira aproxima ona lezadu atu dame malu ho lezada.

Ministériu Públiku no Defeza apresia akordu ne'ebé parte rua decide ona no husu ba Tribunál atu omologa akordu ne'e.

Bazeia ba akordu hosi parte rua no pedidu dezisténsia keixa hosi lezadu, Tribunál konsidera no omologa akordu hosi pedidu dezisténsia keixa ne'e.

3. Krime ofensa ba integridade fizika simples ho natureza violénsia doméstika

Nú. Prosesu : 0015/16.VQSIC
Kompozisaun Tribunál : Singulár
Juis : Dra. Ercilia de Jesus
Ministériu Públiku : Dr. Luis H. Rangel da Cruz
Defeza : Dr. Antonio Fernades (Defensória Pública)
Tipu desizaun : Pena prizaun fulan 2 suspende ba tinan 1

Iha 9 Novembru 2016, Tribunál Distritál Baucau prezide julgamentu leitura sentensa ba krime ofensa ba integridade fizika simples ho natureza violénsia doméstika ne`ebé envolve arguidu MAdC hasoru nia feen, iha Distritu Baucau.

Ministériu Públiku akuza katak iha loron no fulan ne`ebé lezada la-lembara ho diak, maibé iha tinan 2016, arguidu basa dala 1 iha lezada nia ibun, soe lezada ba kama laran no tuku dala 1 iha lezada nia isin. Aktu hirak ne`e rezulta lezada tenke ba halo tratamentu iha Óspital Referral Baucau.

Ministériu Públiku akuza arguidu kontra artigu 145 Kódigu Penál kona-ba ofensa ba integridade fizika simples ho moldura penal too tinan 3 ka multa no konjuga ho artigu 35 letra (b) LKVD.

Iha julgamentu, arguidu konfesa faktus hotu iha akuzasaun, arguidu mós deklara katak foin primeira-vez komete krime, arepende ona nia hahalok no diak malu ona ho lezada. Aleinde ne`e lezada kontinua konfirma faktu sira iha akuzasaun.

Iha alegasaun finál, Ministériu Públiku haktuir katak arguidu konfesa faktus hotu iha akuzaasaun, foin primeira-vez komete krime no arepende ona nia hahalok. Tanba ne`e husu ba Tribunál aplika pena prizaun fulan 6 suspende ba tinan 1.

Enkuantu Defeza haktuir katak arguidu konfesa faktus hotu iha akuzasaun, diak malu ona ho lezada no arepende ona nia hahalok. Tanba ne`e husu ba Tribunál fó pena ne`ebé adekua ba arguidu.

Depoide avalia faktus provadu sira ne`ebé produs durante julgamentu, Tribunál konklui prosesu ne`e no kondena arguidu ho pena multa US\$30.00 no sei selu 0.50 sentavus kada loron durante loron 60. Tribunál mós fiksa pena alternativa loron 40 prizaun, wainhira arguidu la kumpri pena multa ne`e.

4. Krime ofensa ba integridade fizika negligente

Nú. Prosesu : 0006/15. MNSTR
Kompozisaun Tribunál : Singulár
Juís : Dr. Hugo da Cruz Pui
Ministériu Públiku : Dr. Domingos Goveia Barreto
Defeza : Dr. Jonas Henrique da Costa (Defensória Pública)
Tipu desizaun : Absolve

Iha 9 Novembru 2016, Tribunál Distritál Baucau prezide julgamentu leitura sentensa ba krime ofensa ba integridade fizika negligente ne`ebé envolve arguidu HJdC hasoru lezadu AdS, iha Distritu Manatuto.

Ministériu Públiku akuza katak, iha 6 Setembru 2015, iha tuku 15.00 lokraik, iha area Obrato nian, arguidu ho motor soke lezadu nia motor hosi kotuk no kauza lezadu nia ain karuk tohar, nehan oin tohar, kanek iha lezadu nia reen-toos no hasan karuk. Aktu ne`e kauza lezadu tenke ba halo tratamentu iha Sentru Saúde Manatuto no kontinua halo tratamentu iha HNGV Dili. Aleinde halo tratamentu iha óspital lezadu mós uza ai-moruk tradisional hodi kura nia moras no gastus ba ai-moruk tardisional US\$2,500.00, osan selu transporte ba mai US\$500.00 total gastus hotu hamutuk US\$3,000.00.

Ministériu Públiku akuza arguidu kontra artigu 148 Kódigu Penál kona-ba krime ofensa ba integridade fízika negligente ho moldura penal too tinan 1 ka multa.

Iha julgamentu, arguidu deklara katak momentu ne`e iha kurva, lezadu hakarak atu halai liu arguidu, nune`e derepente lezadu soke arguidu nia motor nia kenalpot, rejulta arguidu monu ba liman karuk no lezadu monu ba liman loos.

Enkuantu, lezadu kontinua konfirma faktu sira iha akuzasaun, lezadu mós deklara katak total gastus ba selu ema kura nia moras ho ai-moruk tradisional no selu transporte ba mai laloos US\$3,000.00 maibé US\$1,050.00 deit.

Testemuña AJdJ (polisia tranzitu) depoimenta katak iha akontesementu ne`e, wainhira testemuña too iha fatin akontesementu haree arguidu nia motor monu iha parte karuk no lezadu nia motor monu sai hosi estrada parte loos nian.

Iha alegasaun finál, Ministériu Públiku haktuir katak, mezmú arguidu nega faktus hotu iha akuzasaun, maibé lezadu kontinua konfirma faktus sira iha akuzasaun. Tanba ne`e husu ba Tribunal aplika pena multa ba arguidu.

Enkuantu Defeza haktuir katak bazeia ba deklarasaun arguidu nian katak iha akontesementu ne`e lezadu mak soke arguidu nia knalpot hosi kotuk no konfirma mós hosi testemuña. Tanba ne`e husu ba Tribunál absolve arguidu.

Depoizde avalia faktus hotu ne`ebé produs durante prosesu julgamentu, Tribunál prova katak arguidu la provadu komete krime hasoru lezadu ho nune`e Tribunál konklui prosesu ne`e no absolve arguidu.

5. Krime maus tratus ba menór

Nú. Prosesu : 0008/14. MNSBD

Kompozisaun Tribunál : Kolektivu

Juis : Dr. Hugo da Cruz Pui
Dr. Antonio Fonseca
Dr. Jose Quintao

Ministériu Públiku : Dr. Domingos Goveia Barreto

Defeza : Dr. Jonas Henrique da Costa (Defensória Pública)

Tipu desizaun

: Pena prizaun tinan 3 suspende ba tinan 4

Iha 9 Novembru 2016, Tribunál Distritál Baucau prezide julgamentu leitura akordaun ba krime maus tratus ba menór ho natureza violénsia doméstika ne`ebé envolve arguida CCdJ hasoru nia bei-oan (JS), iha Distritu Manatuto.

Ministériu Públiku akuza katak iha 4 Setembru 2014, arguida lori ai-sanak baku dala barak iha lezadu nia ulun no lezadu nia ain. Aktu hirak ne`e rejulta lezada tauk no halai ba hela ho lezadu nia inan bo`ot.

Tuir mai iha 19 Setembru 2014, lezadu nia inan bo`ot lori fila lezadu ba arguida nia uma arguida tebe dala 4 iha lezadu nia kotuk laran, lori fiu futu lezadu iha odamatan hafoin arguida foti ai-sanak baku dala barak iha lezadu nia isin lolon no tau ai-manas ba lezadu nia matan. Aktu ne`e rejulta lezadu too desmaia no lezadu nia tiu mak kore lezadu.

Ministériu Públiku akuza arguida kontra artigu 155 Kódigu Penál kona-ba maus tratus ba menór ho moldura penal tinan 2 too tinan 6 no konjuga ho artigu 35 letra (b) LKVD.

Iha julgamentu, arguida deklara katak kona-ba faktus ne`ebé akontese iha 19 Setembru 2014 ne`e balu loos no balu laloos. Arguida deklara katak faktu sira ne`ebé loos maka arguida kesi duni lezadu no kose ai-manas ba lezadu nia matan, tanba arguida tauk lezadu halai lakon no tuku dala 1 iha lezadu nia ulun. Maibe kona-ba faktus ne`ebé akontese iha 4 Setembru 2014 ne`e laloos.

Testemuña MF (lezadu nia avo rasik) depoimenta katak iha 19 Setembru 2014 kalan, arguida kesi lezadu nia liman ba kotuk, tau ai-manas ba lezadu nia matan. Maibe kona-ba arguida baku lezadu, testemuña la haree.

Testemuña FS (lezadu nia inan bo`ot) depoimenta katak lezadu halai ba hela ho testemuña durante semana 1, no iha loron 19 Setembru 2014 meudia, testemuña lori fila lezadu ba arguida nia uma. Testemuña haree arguida tebe dala 1 iha lezadu nia kidan no kona-ba faktus seluk testemuña lahatene.

Testemuña MS (lezadu nia aman bo`ot) depoimenta katak durante ne`e atu ba haree lezadu maibé arguida siak no kona-ba faktus seluk lezada mós lahatene.

Testemuña LS (vizinu) depoimenta katak iha akontesementu ne`e testemuña haree arguida kesi lezadu nia liman ba kotuk no kose ai-manas ba lezadu nia matan nune`e testemuña informa ba polisia.

Testemuña BS (membru polisia) depoimenta katak momentu ne`e testemuña LS mak informa ba polisia, nune`e testemuña kedas iha arguida nia uma hodi kore tiha lezadu. Iha momento ne`eba testemuña haree lezadu nia isin lolon iha sinal mean hotu, depoisde akontesementu lezadu hela ho testemuña to`o agora.

Iha alegasaun finál, Ministériu Públiku haktuir katak, mezmu arguidu nega faktus balun iha akuzasaun, maibé lezada konfirma faktus hotu iha akuzasaun. Tanba ne`e husu ba Tribunal aplika pena prizaun tinan 3 suspende ba tinan 4.

Enkuantu Defeza haktuir katak arguida konfesa deit faktus ne`ebé nia komete, tanba ne`e husu ba Tribunál aplika pena ne`ebé adekuadu ba arguida.

Depoisde avalia faktus provadu sira ne`ebé produs durante julgamentu, Tribunál konklui katak arguida provadu komete duni krime hasoru nia bei-oan. Tanba ne`e Tribunál kondena arguida ho pena prizaun tinan 3 suspende ba tinan 4.

6. Krime ofensa ba integridade fizika simples ho natureza violénsia doméstika

Nú. Prosesu : 0034/16.BCBCV
Kompozisaun Tribunál : Singulár
Juis : Dr. Hugo da Cruz Pui
Ministériu Públiku : Dr. Luis H. Rangel da Cruz
Defeza : Dr. Antonio Fernades (Defensória Públika)
Tipu desizaun : Pena fulan 9 prizaun suspende ba tinan 2

Iha 9 Outubru 2016, Tribunál Distritál Baucau prezide julgamentu leitura sentensa ba krime ofensa ba integridade fizika simples ho natureza violénsia doméstika ne`ebé envolve arguidu JdCB hasoru nia feen, iha Distritu Baucau.

Ministériu Públiku akuza katak iha 5 Jullu 2016, iha tuku 12.00 meudia, arguidu tuku dala 1 iha lezada nia reen-toos no kauza lezada sofre kanek no ran no lezada konsege ba halo tratamentu iha Óspital Referral Baucau.

Ministériu Públiku akuza arguidu kontra artigu 145 Kódigu Penál kona-ba krime ofensa ba integridade fizika simples ho moldura penal too tinan 3 ka multa no konjuga ho artigu 35 letra (b) LKVD.

Iha julgamentu, arguidu konfesa faktus hotu iha akuzasaun. Arguidu mós deklara katak foin primeira-vez komete krime, arepende ona nia hahalok no diak malu ona ho lezada. Aleinde ne`e lezada kontinua konfirma faktu sira iha akuzasaun.

Iha alegasaun finál, Ministériu Públiku haktuir katak arguidu konfesa faktus hotu iha akuzasaun, arepende ona nia hahalok no foin primeira-vez komete krime. Tanba ne`e husu ba Tribunál aplika pena prizaun fulan 6 suspende ba tinan 1 no selu mós kustu judisial US\$20.00.

Iha parte seluk, Defeza haktuir katak arguidu konfesa faktus hotu iha akuzasaun, no arepende ona nia hahalok. Tanba ne`e husu ba Tribunál aplika pena ne`ebé adekuadu ba arguidu.

Depoisde avalia faktus provadu sira ne`ebé produs durante julgamentu, Tribunál konklui prosesu ne`e no kondena arguidu ho pena prizaun fulan 9 suspende ba tinan 2 no selu mós kustu judisial US\$20.00.

7. Krime maus tratus ba kónjuje

Nú. Prosesu : 0005/15. MNMNT
Kompozisaun Tribunál : Kolektivu

Juis : Dr. Hugo da Cruz Pui
Dr. Antonio Fonseca
Dr. Jose Quintao
Ministériu Públiku : Dr. Domingos Goveia Barreto
Defeza : Dr. Jonas Henrique da Costa (Defensória Pública)
Tipu desizaun : Pena prizaun tinan 2 suspende ba tinan 2

Iha 10 Novembru 2016, Tribunál Distritál Baucau prezide julgamentu leitura akordaun ba krime maus tratus ba kónjuje ho natureza violénsia doméstika ne`ebé envolve arguidu CBSR hasoru nia feen, iha Distritu Manatuto.

Ministériu Públiku akuza katak iha 2 Feveireu 2015, iha tuku 08.00 dadersan, arguidu rakut lezada nia liman loos, tuku dala 1 iha lezada nia sorin loos, tebe dala 1 iha lezada nia kidan loos, no tuku dala 1 iha lezada nia hirus matan. Antes kazu ne`e akontese, arguidu ho lezada hela separa ona.

Ministériu Públiku mós akuza katak arguidu sempre halo problema ho lezada. Iha tinan 2011 arguidu ameasa no tuku dala barak iha lezada nia kotuk laran. Aleinde ne`e iha tinan 2012, 2013 no 2014 arguidu sempre baku bei-beik lezada.

Ministériu Públiku akuza arguidu kontra artigu 154 Kódigu Penál kona-ba krime maus tratus ba kónjuje ho moldura penal tinan 2 to`o tinan 6 no konjuga ho artigu 35 letra (b) LKVD.

Iha julgamentu, arguidu rejeita faktus balun no deklarata katak faktus ne`ebé akontese iha 2011, 2012, 2013 no 2014 ne`e laloos. Nune`e mós faktus ne`ebé akontese iha 2 Feveireu 2015, balun loos no balun laloos. Arguidu deklarata katak ne`ebé loos mak arguidu rakut iha lezada nia liman loos, tuku iha sorin loos, kidan no hirus-matan no faktus ne`ebé laloos mak arguidu la tuku no la tebe lezada. Iha parte seluk lezada kontinua mantein faktus sira iha akuzasaun.

Iha alegasaun finál, Ministériu Públiku haktuir katak mezmua arguidu nega faktus balun iha akuzasaun, maibé lezada kontinua konfirma faktus hotu iha akuzasaun. Tanba ne`e husu ba Tribunál aplika pena prizaun tinan 2 fulan 6 suspende ba tinan 3.

Enkuantu Defeza haktuir katak arguidu konfesa parsial deit ba faktus ne`ebé nia komete, tanba ne`e husu ba Tribunál aplika pena ne`ebé kma`an ba arguidu.

Depoide avalia faktus provadu sira ne`ebé produs durante julgamentu, Tribunál konklui prosesu ne`e no kondena arguidu ho pena prizaun tinan 2 suspende ba tinan 2 no selu mós kustu judisial US\$20.00.

8. Krime danu simples

Nú. Prosesu : 0386/13. PDBAU
Kompozisaun Tribunál : Singulár
Juis : Dr. Jose Goncalves
Ministériu Públiku : Dra. Bemvinda do Rosario
Defeza : Dr. Jose M. Guterres (Defensória Pública)

Tipu desizaun : Omologa pedidu dezisténsia keixa

Iha 11 Novembru 2016, Tribunál Distritál Baucau prezide julgamentu tentativa konsiliaisaun ba krime danu simples ne'ebé envolve arguidu ML no JMB hasoru lezadu CdR, iha Distritu Baucau.

Ministériu Públiku akuza arguidu sira kontra artigu 258 Kódigu Penál kona-ba krime danu simples ho moldura penal too tinan 3 ka multa.

Iha prosesu tentativa konsiliaisaun ne'e, arguidu sira husu diskulpa ba lezadu no promete sei la komete tan krime hanesan hasoru lezadu iha futuru. Tanba ne'e lezadu husu ba Tribunál atu deziste nia-keixa hasoru arguidu sira.

Ministériu Públiku no Defeza apresia akordu ne'ebé parte rua decide ona no husu ba Tribunál atu omologa akordu ne'e.

Bazeia ba akordu hosi parte rua no pedidu dezisténsia keixa hosi lezadu, Tribunál konsidera no omologa akordu no pedidu dezisténsia keixa ne'e.

9. Krime danu simples

Nú. Prosesu : 0050/15.MNMNT
Kompozisaun Tribunál : Singulár
Juis : Dra. Ercilia de Jesus
Ministériu Públiku : Dr. Luis Hernanio Rangel da Cruz
Defeza : Dr. Jonas Henrique da Costa (Defensória Pública)
Tipu desizaun : Omologa pedidu dezisténsia keixa

Iha 14 Novembru 2016, Tribunál Distritál Baucau liu hosi Tribunál movél iha Distritu Manatuto prezide julgamentu tentativa konsiliaisaun ba krime danu simples ne'ebé envolve arguida JSdC hasoru lezada MARJ, iha Distritu Manatuto.

Ministériu Públiku akuza arguidu kontra artigu 258 Kódigu Penál kona-ba krime danu simples ho moldura penal to'o tinan 3 ka multa.

Iha prosesu tentativa konsiliaisaun ne'e, lezada husu ba Tribunál atu deziste nia-keixa, tanba arguida selu ona sasan ne'ebé arguida estraga no iha ona akordu dame entre lezada no arguida.

Ministériu Públiku no Defeza apresia akordu ne'ebé parte rua decide ona no husu ba Tribunál atu omologa akordu ne'e.

Bazeia ba akordu hosi parte rua no pedidu dezisténsia keixa hosi lezada, Tribunál konsidera no omologa akordu no pedidu ba dezisténsia keixa ne'e.

10. Krime ofensa ba integridade fizika simples ho natureza violénsia doméstika

Nú. Prosesu : 0013/16.MNMNT
Kompozisaun Tribunál : Singulár
Juis : Dr. Jose Goncalves

Ministériu Públiku : Dr. Luis Hernanio Rangel da Cruz
Defeza : Dr. Jonas Henrique da Costa (Defensória Pública)
Tipu desizaun : Pena multa US\$ 90.00

Iha 15 Novembru 2016, Tribunál Distritál Baucau liu hosi Tribunál movél iha Distritu Manatuto prezide julgamentu leitura sentensa ba krime ofensa ba integridade fizika simples ho natureza violénsia doméstika ne`ebé envolve arguidu FAO hasoru nia feen, iha Distritu Manatuto.

Ministériu Públiku akuza katak iha 8 Marsu 2016, iha tuku 16.00 lokraik, arguidu tuku dala 2 iha lezada nia kanuruk, tanba lezada husu tuir arguidu nia vensimentu ne`ebé durante fulan 4 ona arguidu la fo ba lezada.

Ministériu Públiku akuza arguidu kontra artigu 145 Kódigu Penál kona-ba krime ofensa ba integridade fizika simples ho moldura penal too tinan 3 ka multa no konjuga ho artigu 35 letra (b) LKVD.

Iha julgamentu, arguidu konfesa faktus hotu iha akuzasaun, arguidu mós deklara katak arepende ona nia hahalok. Aleinde ne`e lezada kontinua konfirma faktu sira iha akuzasaun.

Iha alegasaun finál, Ministériu Públiku haktuir katak arguidu konfesa faktus hotu iha akuzasaun no konfirma mós hosi lezada. Tanba ne`e husu ba Tribunál aplika pena multa ba arguidu no selu mós ho kustu judisiál.

Enkuantu Defeza mós haktuir katak arguidu konfesa faktus hotu iha akuzasaun, no arepende ona nia hahalok. Tanba ne`e husu ba Tribunál aplika pena ne`ebe kma'an ba arguidu.

Depoide avalia faktus provadu sira ne`ebé produs durante julgamentu, Tribunál konklui prosesu ne`e no kondena arguidu ho pena multaUS\$ 90.00 no sei selu US\$1.00 kada loron durante loron 90. Tribunál mós fiksa pena alternativa durante loron 60 prizaun, wainhira arguidu la kumpri pena multa ne`e no selu mós kustu judisial US\$20.00.

11. Krime ofensa ba integridade fizika simples ho natureza violénsia doméstika

Nú. Prosesu : 0011/15.MNLCL
Kompozisaun Tribunál : Singulár
Juis : Dr. Jose Goncalves
Ministériu Públiku : Dr. Luis Hernanio Rangel da Cruz
Defeza : Dr. Jonas Henrique da Costa (Defensória Pública)
Tipu desizaun : Pena prizaun fulan 3 suspende ba tinan 1

Iha 16 Novembru 2016, Tribunál Distritál Baucau liu hosi Tribunál movél iha Distritu Manatuto prezide julgamentu leitura sentensa ba krime ofensa ba integridade fizika simples ho natureza violénsia doméstika ne`ebé envolve arguidu JMdC hasoru nia feen, iha Distritu Manatuto.

Ministériu Públiku akuza katak iha 5 Setembru 2015, iha tuku 11.00 meudia, arguidu tuku dala 3 iha lezada nia reen-toos no tuku dala 2 iha lezada nia ulun. Aktu ne'e kauza lezada tenke ba halo tratamentu iha Sentru Saúde Lacro.

Ministériu Públiku akuza arguidu kontra artigu 145 Kódigu Penál kona-ba krime ofensa ba integridade fizika simples ho moldura penal too tinan 3 ka multa no konjuga ho artigu 35 letra (b) LKVD.

Iha julgamentu, arguidu konfesa faktus hotu iha akuzasaun, arguidu mós deklara katak arepende ona nia hahalok no diak malu ona ho lezada. Aleinde ne'e lezada kontinua konfirma faktus sira iha akuzasaun.

Iha alegasaun finál, Ministériu Públiku husu ba Tribunál aplika pena prizaun fulan 4 suspende ba tinan 1 tanba arguidu konfesa faktus hotu iha akuzasaun, arepende ona nia hahalok. Enkuantu husu ba Tribunál aplika pena ne'ebé la limita arguidu nia liberdade, tanba arguidu konfesa faktus iha akuzasaun, arepende ona nia hahalok no diak malu ona ho lezada.

Depoizde avalia faktus provadu sira ne'ebé produs durante julgamentu, Tribunál konkluui prosesu ne'e no kondena arguidu ho pena prizaun fulan 3 suspende ba tinan 1.

12. Krime ofensa ba integridade fizika simples ho natureza violénsia doméstika

Nú. Prosesu : 0021/16.MNMNT
Kompozisaun Tribunál : Singulár
Juis : Dr. Ercilia de Jesus
Ministériu Públiku : Dr. Luis Hernanio Rangel da Cruz
Defeza : Dr. Jonas Henrique da Costa (Defensória Pública)
Tipu desizaun : Pena prizaun fulan 6 suspende ba tinan 1

Iha 14 Novembru 2016, Tribunál Distritál Baucau liu hosi Tribunál movél iha Distritu Manatuto prezide julgamentu leitura sentensa ba krime ofensa ba integridade fizika simples ho natureza violénsia doméstika ne'ebé envolve arguidu PS hasoru nia feen, iha Distritu Manatuto.

Ministériu Públiku akuza katak iha 12 Maiu 2016, iha tuku 20.00 kalan, arguidu tuku dala 1 iha lezada nia tilun hun no tuku dala 1 iha lezada nia inus. Aktu ne'e resulta arguida sofre kanek no ran sai.

Ministériu Públiku akuza arguidu kontra artigu 145 Kódigu Penál kona-ba krime ofensa ba integridade fizika simples ho moldura penal too tinan 3 ka multa no konjuga ho artigu 35 letra (b) LKVD.

Iha julgamentu, arguidu konfesa faktus hotu iha akuzasaun, deklara katak arepende ona nia hahalok no diak malu ona ho lezada. Aleinde ne'e lezada kontinua konfirma faktus sira iha akuzasaun.

Iha alegasaun finál, Ministériu Públiku husu ba Tribunál aplika pena prizaun fulan 4 suspende da tinan 1 no selu mós kustu judisial tanba arguidu konfesa faktus hotu iha akuzasaun no arepende ona nia hahalok.

Enkuantu Defeza mós haktuir katak arguidu konfesa faktus hotu iha akuzasaun, arepende ona nia hahalok no diak malu ona ho lezada. Tanba ne`e husu ba Tribunál aplika pena multa ba arguidu.

Bazeia ba avaliasaun faktus provadu sira ne`ebé produs durante julgamentu, Tribunál konklui prosesu ne`e no kondena arguidu ho pena prizaun fulan 6 suspende ba tinan 1 no selu mós kustu judisial US\$20.00 .

13. Krime ofensa ba integridade fizika simples ho natureza violénsia doméstika

Nú. Prosesu : 0027/16.MNMNT
Kompozisaun Tribunál : Singulár
Juis : Dr. Ercilia de Jesus
Ministériu Públiku : Dr. Luis Hernanio Rangel da Cruz
Defeza : Dr. Jonas Henrique da Costa (Defensória Pública)
Tipu desizaun : Pena prizaun fulan 2 suspende ba tinan 1

Iha 15 Novembru 2016, Tribunál Distritál Baucau liu hosi Tribunal movél iha Distritu Manatuto prezide leitura sentensa ba krime ofensa ba integridade fizika simples ho natureza violénsia doméstika ne`ebé envolve arguidu CSdS hasoru nia feen, iha Distritu Manatuto.

Ministériu Públiku akuza katak iha 18 Juñu 2016, iha tuku 06.00 lokraik, arguidu buti dala 1 iha lezada nia liman kabun no buti ho maka`as iha lezada nia kanuruk.

Ministériu Públiku akuza arguidu kontra artigu 145 Kódigu Penál kona-ba krime ofensa ba integridade fizika simples ho moldura penal too tinan 3 ka multa no konjuga ho artigu 35 letra (b) LKVD.

Iha julgamentu, arguidu konfesa faktus hotu iha akuzasaun no deklara katak arepende ona nia hahalok, foin primeira-vez komete krime no diak malu ona ho lezada. Aleinde ne`e lezada kontinua konfirma faktu sira iha akuzasaun.

Iha alegasaun finál, Ministériu Públiku haktuir katak arguidu konfesa faktus hotu iha akuzasaun, foin primeira-vez komete krime. Tanba ne`e husu ba Tribunál aplika pena multa ba arguidu. Defeza mós haktuir katak arguidu konfesa faktus, arepende ona nia hahalok no foin primeira-vez komete krime. Tanba ne`e husu ba Tribunál aplika pena admoestasaun ba arguidu.

Depoisde avalia faktus provadu sira ne`ebé produs durante julgamentu, Tribunál konklui prosesu ne`e no kondena arguidu ho pena prizaun fulan 2 suspende ba tinan 1.

14. Krime ameasa

Nú. Prosesu : 0057/15.PDBAU
Kompozisaun Tribunál : Singulár
Juis : Dr. Jose Goncalves
Ministériu Públiku : Dr. Luis Hernanio Rangel da Cruz
Defeza : Dr. Jonas Henrique da Costa (Defensória Pública)
Tipu desizaun : Omologa pedidu dezistencia keixa

Iha 17 Novembru 2016, Tribunál Distritál Baucau liu hosi Tribunal movel iha Distritu Manatuto prezide julgamentu tentativa konsiliaun ba krime ameasa ne`ebé envolve arguidu LdC no TdC hasoru lezadu AdC no AC, iha Sub-distritu Laleia, Distritu Manatuto.

Ministériu Públiku akuza arguidu sira kontra artigu 157 Kódigu Penál kona-ba krime ameasa ho moldura penal too tinan 2 ka multa.

Iha prosesu tentativa konsiliaun ne`e, lezadu sira husu ba Tribunál atu deziste sira nia-keixa hasoru arguidu sira. Tanba antes ne`e sira dame malu ona no iha ona akordu dame entre sira.

Ministériu Públiku no Defeza apresia akordu dame ne`e ne`ebé parte rua decide ona no husu ba Tribunál atu omologa akordu ne`e.

Bazeia ba akordu hosi parte rua no pedidu dezisténsia keixa hosi lezadu sira, Tribunál konsidera no omologa akordu hosi pedidu dezisténsia keixa ne`e.

15. Krime ofensa ba integridade fizika simples ho natureza violénsia doméstika

Nú. Prosesu : 0002/16. BCLLB
Kompozisaun Tribunál : Singulár
Juis : Dr. Jose Goncalves
Ministériu Públiku : Dr. Luis H. Rangel da Cruz
Defeza : Dr. Jonas Henrique da Costa (Defensória Pública)
Tipu desizaun : Pena prizaun fulan 6 suspende ba tinan 1

Iha 17 Novembru 2016, Tribunál Distritál Baucau liu hosi Tribunál movél iha Distritu Manatuto prezide julgamentu leitura sentensa ba krime ofensa ba integridade fizika simples ho natureza violénsia doméstika ne`ebé envolve arguidu MAS hasoru nia feen, iha Distritu Baucau.

Ministériu Públiku akuza katak iha 10 Marsu 2016, iha tuku 15.00 lokraik, arguidu tebe dala 1 iha lezada nia kotuk laran, basa dala 1 iha lezada nia hasan loos no basa dala 1 iha lezada nia kanuruk. Aktu hirak ne`e kauza lezada tenke ba halo tratamentu iha Sentru Saúde Uatulari.

Ministériu Públiku akuza arguidu kontra artigu 145 Kódigu Penál kona-ba krime ofensa ba integridade fizika simples ho moldura penal too tinan 3 ka multa no konjuga ho artigu 35 letra (b) LKVD.

Iha julgamentu, arguidu konfesa faktus hotu iha akuzasaun, deklara katak foin primeira-vez komete krime, arepende ona nia hahalok no diak malu ona ho lezada.

Iha alegasaun final, Ministériu Públiku husu ba Tribunál aplika pena prizaun fulan 4 suspende ba tinan 1 tanba konsidera fatores atenuantes sira hanesan arguidu konfesa faktus hotu iha akuzasaun, foin primeira-vez komete krime no manifesta nia arependementu ba nia hahalok

Enkuantu Defeza mós haktuir katak arguidu konfesa faktus hotu iha akuzasaun, diak malu ona ho lezada no arepende ona nia hahalok. Tanba ne'e husu ba Tribunál fó pena ne'ebé kama'an ba arguidu.

Depoide avalia faktus provadu sira ne'ebé produs durante julgamentu, Tribunál konklui katak arguidu provadu komete krime ne'e no kondena arguidu ho pena prizaun fulan 6 suspende ba tinan 1.

16. Krime ofensa ba integridade fizika simples

Nú. Prosesu : 0038/15. MNMNT
Kompozisaun Tribunál : Singulár
Juis : Dr. Jose Goncalves
Ministériu Públiku : Dr. Luis Hernanio Rangel da Cruz
Defeza : Dr. Jonas Henrique da Costa (Defensória Pública)
Tipu desizaun : Omologa pedidu dezisténsia keixa

Iha 17 Novembru 2016, Tribunál Distritál Baucau liuhosi Tribunál movél iha Distritu Manatuto prezide julgamentu tentativa konsiliausaun ba krime ofensa ba integridade fizika simples ne'ebé envolve arguidu MS hasoru lezada JX, iha Sub-distritu Manatuto, Distritu Manatuto.

Ministériu Públiku akuza arguidu kontra artigu 145 Kódigu Penál kona-ba ofensa ba integridade fizika simples ho moldura penal too tinan 3 ka multa.

Iha prosesu tentativa konsiliausaun ne'e, lezada husu ba Tribunál atu deziste nia-keixa hasoru arguidu, tanba antes ne'e sira dame malu ona no iha ona akordu dame entre arguidu no lezada.

Ministériu Públiku no Defeza apresia akordu ne'ebé parte rua deside ona no husu ba Tribunál atu omologa akordu ne'e.

Bazeia ba akordu hosi parte rua no pedidu dezisténsia keixa hosi lezada, Tribunál konsidera no omologa akordu dame no dezisténsia keixa hosi lezada.

17. Krime danu simples

Nú. Prosesu : 0002/16. MNMNT
Kompozisaun Tribunál : Singulár
Juis : Dr. Jose Goncalves

Ministériu Públiku : Dr. Luis Hernanio Rangel da Cruz
Defeza : Dr. Jonas Henrique da Costa (Defensória Pública)
Tipu desizaun : Omologa pedidu dezisténsia keixa

Iha 16 Novembru 2016, Tribunál Distritál Baucau liuhosi Tribunál movél iha Distritu Manatuto prezide julgamentu tentativa konsiliaun ba krime danu simples ne`ebé envolve arguidu AHdS hasoru AHS, iha Sub-Distritu Manatuto.

Ministériu Públiku akuza arguidu kontra artigu 258 Kódigu Penál kona-ba krime danu simples ho moldura penal too tinan 3 ka multa.

Iha prosesu tentativa konsiliaun ne`e, arguidu husu diskulpa ba lezadu no promete sei la komete tan krime hanesan hasoru lezadu iha futuru. Tanba ne`e lezadu husu ba Tribunál atu deziste nia-keixa hasoru arguidu.

Ministériu Públiku no Defeza apresia akordu dame ne`ebé parte rua deside ona no husu ba Tribunál atu omologa akordu ne`e.

Bazeia ba akordu hosi parte rua no pedidu dezisténsia keixa hosi lezadu, Tribunál konsidera no omologa akordu dame no pedidu dezisténsia keixa ne`e.

18. Krime ofensa ba integridade fizika simples ho natureza violénsia doméstika

Nú. Prosesu : 0002/15. MNMNT
Kompozisaun Tribunál : Singulár
Juis : Dr. Jose Goncalves
Ministériu Públiku : Dr. Luis H. Rangel da Cruz
Defeza : Dr. Jonas Henrique da Costa (Defensória Pública)
Tipu desizaun : Pena prizaun loron 30 suspende ba tinan 1

Iha 18 Novembru 2016, Tribunál Distritál Baucau liu hosi Tribunál movél iha Distritu Manatuto prezide leitura sentensa ba krime ofensa ba integridade fizika simples ho natureza violénsia doméstika ne`ebé envolve arguidu DP hasoru nia feen, iha Distritu Manatuto.

Ministériu Públiku akuza katak iha 17 Maiu 2015, iha tuku 15.00 lokraik, arguidu lori sintu baku dala 1 iha lezada nia liman fuan no kauza lezada nia liman fuan moras.

Ministériu Públiku akuza arguidu kontra artigu 145 Kódigu Penál kona-ba ofensa ba integridade fizika simples ho moldura penal too tinan 3 ka multa no konjuga ho artigu 35 letra (b) LKVD.

Iha julgamentu, arguidu hili direitu nonok. Iha parte seluk, wainhira Tribunál konfirma ho lezada relasiona ho faktu hirak ne`e, lezada kontinua mantein faktu sira iha akuzasaun.

Iha alegasaun finál, Ministériu Públiku mantein ninia pozisaun no husu ba Tribunál aplika pena tuir krime ne`ebé arguidu komete tanba mezmua arguidu hili direitu nonok, maibe

lezada kontinua konfirma faktus sira iha akuzasaun. Aleinde ne'e Defeza mós konkorda ho alegasaun Ministériu Públiku nian.

Depoizde avalia faktus provadu sira ne'ebé produs durante julgamentu, Tribunál konklui prosesu ne'e no kondena arguidu ho pena prizaun loron 30 suspende ba tinan 1.

19. Krime ofensa ba integridade fizika simples ho natureza violénsia doméstika

Nú. Prosesu : 0009/16.BCQLL
Kompozisaun Tribunál : Singulár
Juis : Dra. Ercilia de Jesus
Ministériu Públiku : Dra. Bemvinda do Rosario
Defeza : Dr. Jose Guterres (Defensória Pública)
Tipu desizaun : Pena prizaun fulan 6 suspende ba tinan 1

Iha 18 Novembru 2016, Tribunál Distritál Baucau prezide julgamentu leitura sentensa ba krime ofensa ba integridade fizika simples ho natureza violénsia doméstika ne'ebé envolve arguidu AM B hasoru nia feen (AB) no oan-feto (RX), iha Distritu Baucau.

Ministériu Públiku akuza katak iha 12 Maiu 2016, arguidu tebe dala iha lezada AB nia kotuk laran no kauza lezada monu ba rai no basa dala 1 iha lezada (RX) nia hasan loos.

Ministériu Públiku akuza arguidu kontra artigu 145 Kódigu Penál kona-ba krime ofensa ba integridade fizika simples ho moldura penal too tinan 3 ka multa no konjuga ho artigu 35 letra (b) LKVD.

Iha julgamentu, arguidu konfesa faktus hotu iha akuzasaun, arguidu mós deklara katak arepende ona nia hahalok. Aleinde ne'e lezada kontinua konfirma faktus sira iha akuzasaun.

Iha alegasaun finál, Ministériu Públiku haktuir katak arguidu konfesa faktus hotu iha akuzasaun, arepende ona nia hahalok, tanba ne'e husu ba Tribunál aplika pena prizaun fulan 6 suspende ba tinan 1.

Enkuantu Defeza mós haktuir katak arguidu konfesa faktus hotu iha akuzasaun, arepende ona nia hahalok no diak malu ona ho lezada tanba ne'e husu ba Tribunal aplika pena ne'ebé adekuaudu ba arguidu.

Depoizde avalia faktus provadu sira ne'ebé produs durante julgamentu, Tribunál konklui prosesu ne'e no kondena arguidu ho pena prizaun fulan 6 suspende ba tinan 1.

20. Krime ofensa ba integridade fizika simples ho natureza violénsia doméstika

Nú. Prosesu : 0003/16.BCBCV
Kompozisaun Tribunál : Singulár
Juis : Dra. Ercilia de Jesus
Ministériu Públiku : Dr. Alfonso Lopez
Defeza : Dr. Sidonio M Sarmiento (Defensória Pública)

Tipu desizaun : Pena prizaun fulan 5 suspende ba tinan 1

Iha 18 Novembru 2016, Tribunál Distritál Baucau prezide leitura sentensa ba krime ofensa ba integridade fizika simples ho natureza violénsia doméstika ne`ebé envolve arguidu PMM hasoru nia feen, iha Distritu Baucau.

Ministériu Públiku akuza katak iha 9 Fevereiru 2016, iha tuku 11.50 dader, arguidu tuku dala 2 iha lezada nia liman kabun sorin-loos no tebe dala 1 iha lezada nia kotuk laran. Aktu ne`e kauza lezada tenke ba halo tratamentu iha Sentu Saúde Venilale.

Ministériu Públiku akuza arguidu kontra artigu 145 Kódigu Penál kona-ba krime ofensa ba integridade fizika simples ho moldura penal too tinan 3 ka multa no konjuga ho artigu 35 letra (b) LKVD.

Iha julgamentu, arguidu konfesa faktus hotu iha akuzasaun, arguidu mós deklara katak arepende ona nia hahalok no diak malu ona ho lezada. Tuir-mai lezada mós kontinua konfirma faktus sira iha akuzasaun.

Iha alegasaun finál, Ministériu Públiku haktuir katak arguidu konfesa faktus hotu iha akuzasaun, no deklara katak nia arepende ona nia hahalok. Tanba ne`e husu ba Tribunál aplika suspensaun ba pena prizaun. Defeza mós konfirma katak arguidu konfesa faktus hotu iha akuzasaun, arepende ona nia hahalok no foin primeira-vez komete krime. Tanba ne`e husu ba Tribunál aplika pena ne`ebe adekuaudu ba arguidu.

Depoide avalia faktus provadu sira ne`ebé produs durante julgamentu, Tribunál konklui prosesu ne`e no kondena arguidu ho pena prizaun fulan 5 suspende ba tinan 1.

21. Krime explorasaun ba jogu ilísitu

Nú. Prosesu : 0028/16. BCSIC
Kompozisaun Tribunál : Singulár
Juis : Dr. Jose Quintao
Ministériu Públiku : Dr. Luis H. Rangel da Cruz
Defeza : Dr. Jonas H da Costa
Tipu desizaun : Pena multa ba arguidu GAP US\$30.00 no ba arguidu MFF US\$60.00.

Iha 22 Novembru 2016, Tribunál Distritál Baucau prezide julgamentu ba krime explorasaun ba jogu ilísitu ne`ebé envolve arguidu GAP no MFF hasoru Estadu RDTL, iha Distritu Baucau.

Ministériu Públiku akuza katak 14 Marsu 2016, iha tuku 15.00 lokraik, iha Bahu, Vila Antiga, polisia halo operasaun no hetan kupon SDSB ilegal iha arguidu GAP nia bagasi motor. Polisia prende kupon SDSB mutin ilegal hamutuk livru 16. Arguidu fa'an ona kupon SDSB ne`e komesa iha tinan-2013 too tinan-2016, no kada kupon fa'an ho folin 0.75 sentavus. Arguidu hetan kupon ne`e hosi arguidu MPF.

Ministériu Públiku akuza arguidu kontra artigu 322 Kódigu Penál kona-ba krime explorasaun ba jogu ilísitu ho nia moldura penal too tinan 3 ka multa.

Iha julgamentu, arguidu GAP deklara katak fa'an duni SDSB maibé komesa iha tinan-2014 la'ós iha tinan-2013 no kupon ne'ebé arguidu faan hosi kompañia Badford no kupon ne'e legal tanba iha karta lisensa kompañia nian.

Iha alegasaun finál, Ministériu Públiku haktuir katak arguidu sira provadu komete krime explorasaun ba jogu ilísitu. Tanba ne'e husu ba Tribunál aplika pena multa ba arguidu sira. Enkuantu Defeza haktuir katak arguidu sira fa'an kupon ho karta lisensa no osan hosi fa'an kupon ne'e arguidu sira haruka hotu ba kompania Badford. Tanba ne'e husu ba Tribunál absolve arguidu sira.

Depoide avalia faktus provadu sira ne'ebé produs durante julgamentu, Tribunál konklui prosesu ne'e no kondena arguidu GAP ho pena multa US\$30.00 no sei selu 0.50 sentavus kada loraun durante loraun 60. Ba arguidu MFF Tribunál kondena ho pena multa US\$60 no sei selu US\$1.00 kada loraun durante loraun 60, no kustu judisial US\$40.00. Tribunál mós fiksa pena alternativa ba kada arguidu durante loraun 40 prizaun, wainhira arguidu sira la kumpri pena multa ne'e.

22. Krime ofensa ba integridade fizika simples

Nú. Prosesu : 0374/12. PDBAU
Kompozisaun Tribunál : Singulár
Juis : Dr. Jose Escurial
Ministériu Públiku : Dra. Bemvinda do Rosario
Defeza : Dr. Grigorio de Lima
Tipu desizaun : Omologa pedidu dezisténsia keixa

Iha 23 Novembru 2016, Tribunál Distritál Baucau prezide julgamentu tentativa konsiliaun ba krime ofensa ba integridade fizika simples ne'ebé envolve arguidu AGS, CAB no JL hasoru lezadu NM, BX no DF, iha Sub-distritu Baucau Vila, Distritu Baucau.

Ministériu Públiku akuza arguidu sira kontra artigu 145 Kódigu Penál kona-ba krime ofensa ba integridade fizika simples ho moldura penal too tinan 3 ka multa.

Iha prosesu tentativa konsiliaun ne'e, arguidu sira husu diskulpa ba lezadu sira tanba sira sei iha relasaun familia. Tanba ne'e lezadu sira husu ba Tribunál atu deziste sira nia-keixa hasoru arguidu arguidu sira.

Ministériu Públiku no Defeza apresia akordu ne'ebé parte sira decide ona no husu ba Tribunál atu omologa akordu ne'e.

Bazeia ba akordu hosi parte rua no pedidu dezisténsia keixa hosi lezadu, Tribunál konsidera no omologa akordu no pedidu dezisténsia keixa ne'e.

23. Krime ofensa ba integridade fizika simples ho natureza violénsia doméstika no ameasa

Nú. Prosesu : 0010/15. MNLLA
Kompozisaun Tribunál : Singulár
Juis : Dr. Antonio Fonseca
Ministériu Públiku : Dra. Bemvinda do Rosario
Defeza : Dra. Grigorio de Lima (Defensória Pública)
Tipu desizaun : Pena prizaun tinan 1 suspende ba tinan 1

Iha 29 Novembru 2016, Tribunál Distritál Baucau liuhosi Tribunál movél iha Distritu Manatuto prezide julgamentu leitura sentensa ba krime ofensa ba integridade fizika simples ho natureza violénsia doméstika ne`ebé envolve arguidu MAC hasoru nia feen, iha Distritu Manatuto.

Ministériu Públiku akuza katak iha 8 Juñu tinan-2016, iha tuku 12.00-meudia, arguidu tuku dala 1 iha lezada nia kotuk laran no buti ho maka`as iha lezada nia kanuruk. Aleinde ne`e arguidu mós ameasa atu sona mate lezada.

Ministériu Públiku akuza arguidu kontra artigu 145 Kódigu Penál kona-ba krime ofensa ba integridade fizika simples ho moldura penal too tinan 3 ka multa no konjuga ho artigu 35 letra(b) LKVD no artigu 157 Kódigu Penál kona-ba krime ameasa ho moldura penal too tinan 2 ka multa.

Durante julgamentu produsaun ba prova, Tribunál la bele rona arguidu ninia deklarasaun tanba arguidu la marka prezensa. Mesmu nune`e, wainhira Tribunál konfirma ho lezada relasiona ho faktu hirak ne`e, lezada kontinua konfirma faktu sira iha akuzasaun no deklarasaun katak ho arguidu hola malu iha tinan 2014 no fahe malu iha tinan 2015. Agora dadaun arguidu hola ona fetu seluk no hela iha Dili.

Iha alegasaun finál, Ministériu Públiku haktuir katak, lezada kontinua konfirma faktu sira iha akuzasaun. Enkuantu arguidu hakarak hases-an hosi krime ne`ebé nia komete no la ho kopera justisa. Tanba ne`e husu ba Tribunál aplika pena prizaun efetiva tinan 1 ba arguidu.

Enkuantu Defeza haktuir katak bazeia ba lezada nia deklarasaun iha julgamentu, tanba ne`e husu ba Tribunál aplika pena ne`ebé adekuadu ba arguidu.

Depoide avalia faktus provadu sira ne`ebé produs durante julgamentu, Tribunál konklui prosesu ne`e no kondena arguidu ba krime ofensa ba integridade fizika simples ho natureza violénsia doméstika ho pena prizaun tinan 1 no suspende ba tinan 1. Enkuantu ba krime ameasa Tribunál kondena arguidu ho pena multa US\$150.00 no sei selu US\$1.00 kada loron durante loron 150. Tribunál mós fiksa pena alternativa durante loron 60 prizaun, wainhira arguidu la kumpri pena multa ne`e.

24. Krime ofensa ba integridade fizika simples ho natureza violénsia doméstika

Nú. Prosesu : 0039/14.VQSIC
Kompozisaun Tribunál : Singulár
Juis : Dr Jose Q.S.Celestino
Ministériu Públiku : Dr. Domingos Goveia Barreto
Defeza : Dr. Jose Maria Caetano Guterres (Defensória Pública)

Tipu desizaun : Pena prizaun fulan 1 suspende ba tinan 1

Iha 15 Novembru 2016, Tribunál Distritál Baucau liuhosi Tribunál Movél iha Distritu Viqueque prezide julgamentu leitura sentensa ba krime ofensa ba integridade fízika simples ho natureza violénsia doméstika ne'ebé envolve arguidu MA hasoru nia aman, iha Distritu Viqueque.

Ministériu Públiku akuza katak iha 25 Setembru 2014, iha tuku 15:00 lokraik, arguidu tuku dala 1 iha lezadu nia matan fukun parte karuk, tuku dala 1 iha lezadu nia kotuk laran, lori fatuk tuda kona iha lezadu nia kotuk laran no lezadu nia knosen. Kauza lezadu monu ba rai, wainhira lezadu monu tiha ba rai arguidu kontinua buti lezadu nia kakorok.

Ministériu Públiku akuza arguidu kontra artigu 145 Kódigu Penál kona-ba krime ofensa ba integridade fízika simples ho moldura penál to'ó tinan 3 ka multa no konjuga ho artigu 2, 3 no 35 letra (b) LKVD.

Iha julgamentu, arguidu konfesa faktus hotu iha akuzasaun, no arguidu deklara katak iha akontesementu ne'e arguidu nervoju tanba lezadu uja ai-sanak baku iha arguidu nia kelen.

Wainhira Tribunál konfirma ho lezadu relasiona ho faktus sira, lezadu kontinua mantein faktus sira iha akuzasaun. Lezadu mós deklara katak sira resolve ona tuir kustume Timor nian, no arguidu fo ona fahi boot 1 no osan US\$100.00 ba lezadu no lezadu fo tais ida hodi hakuak fali lezadu.

Iha alegasaun finál, Ministériu Públiku haktuir katak atu prevene arguidu la bele komete tan krime hanesan iha futuru no arguidu komete krime ne'e hasoru nia aman rasik ne'ebé tuir loloos arguidu tenke respeitu. Tanba ne'e husu ba Tribunál atu kondena arguidu ho suspensaun ba pena prizaun ne'ebé adekuadu.

Enkuantu Defeza haktuir katak antes julgamentu arguidu no lezadu sira rejolve ona kazu ne'e tuir kustume Timor nian, tanba ne'e husu ba Tribunál aplika pena ne'ebé justu no adekuadu ba arguidu.

Depoizde avalia faktus provadu sira ne'ebé produs durante julgamentu, Tribunál konklui prosesu ne'e no kondena arguidu ho pena prizaun fulan 1 suspende ba tinan 1.

25. Krime ofensa ba integridade fízika simples ho natureza violénsia doméstika

Nú. Prosesu : 0011/15.VQSIC
Kompozisaun Tribunál : Singulár
Juis : Dr. Hugo da Cruz Pui
Ministériu Públiku : Dr. Domingos Goveia Barreto
Defeza : Dr. Jose Maria Caetano Guterres (Defensória Pública)
Tipu desizaun : Pena prizaun fulan 9 suspende ba tinan 2

Iha 16 Novembru 2016, Tribunál Distritál Baucau liu hosi Tribunál movél iha Distritu Viqueque prezide julgamentu leitura sentensa ba krime ofensa ba integridade fízika simples ho natureza violénsia doméstika ne'ebé envolve arguidu CdS hasoru nia feen, iha Distritu Viqueque.

Ministériu Públiku akuza katak, iha 15 Janeiru 2015, iha tuku 15:00 lokraik, arguidu tuku dala 1 iha lezada nia reen-toos, kauza kanek no bubu iha lezada nia reen-toos.

Ministériu Públiku akuza arguidu kontra artigu 145 Kódigu Penál kona-ba krime ofensa ba integridade fízika simples ho moldura penál too tinan 3 ka multa no konjuga ho artigu 2, 3 no 35 letra (b) LKVD.

Iha julgamentu, arguidu konfesa faktus hotu iha akuzasaun no arguidu mós deklara katak arepende ona nia hahalok. Iha parte seluk, lezada mós kontinua mantein faktus sira iha akuzasaun.

Iha alegasaun finál, Ministériu Públiku haktuir katak ba interese prevensaun ba krime hanesan atu labele akontese tan iha futuru no tanba hanesan laen tenke proteje nia feen la'os pelu-kontrariu komete fali krime hasoru lezada. Tanba ne'e husu ba Tribunál kondena arguidu ho pena prizaun fulan 6 suspende ba tinan 1.

Enkuantu Defeza haktuir katak arguidu konfesa faktus hotu iha akuzasaun, no deklara katak nia arepende ona ninia-hahalok. Tanba ne'e husu ba Tribunál aplika pena ne'ebé justu no adekuadu ba arguidu.

Depoisde avalia faktus provadu sira ne'ebé produs durante julgamentu, Tribunál konkluui prosesu ne'e no kondena arguidu ho pena prizaun fulan 9 suspende ba tinan 2.

26. Krime ofensa ba integridade fízika simples

| | |
|----------------------|--|
| Nú. Prosesu | : 0001/16.VQWTL |
| Kompozisaun Tribunál | : Singulár |
| Juis | : Dr. Hugo da Cruz Pui |
| Ministériu Públiku | : Dr. Domingos Barreto |
| Defeza | : Dr. Jose Maria Caetano Guterres (DefensóriPública) |
| Tipu desizaun | : Omologa pedidu dezisténsia keixa |

Iha 14 Novembru 2016, Tribunál Distritál Baucau liu hosi Tribunál movél iha Distritu Viqueque prezide julgamentu tentativa konsiliaun ba krime ofensa ba integridade fízika simples ne'ebé envolve arguidu AdR hasoru lezada TdS, iha Distritu Viqueque.

Ministériu Públiku akuza arguidu kontra artigu 145 Kódigu Penál kona-ba krime ofensa ba integridade fízika simples ho moldura penal too tinan 3 ka multa.

Iha prosesu tentativa konsiliaun ne'e, arguidu husu diskulpa ba lezada no promete sei la komete tan krime hanesan hasoru lezada. Tanba ne'e lezada husu ba Tribunál atu deziste nia-keixa hasoru arguidu.

Ministériu Públiku no Defeza apresia akordu dame hosi parte sira, tanba ne'e husu ba Tribunál atu omologa akordu ne'e.

Bazeia ba akordu hosi parte rua no pedidu dezisténsia keixa hosi lezada, Tribunál konsidera no omologa akordu dame no pedidu dezisténsia keixa hosi lezada.

27. Krime ofensa ba integridade fízika simples

Nú. Prosesu : 0003/15.VQOSU
Kompozisaun Tribunál : Singulár
Juis : Dr. Antonio Fonseca
Ministériu Públiku : Dr. Domingos Barreto
Defeza : Dr. Jose Maria Caetano Guterres
Tipu desizaun : Omologa pedidu dezisténsia keixa

Iha 15 Novembru 2016, Tribunál Distritál Baucau liu hosi Tribunál movél iha Distritu Viqueque prezide julgamentu tentativa konsiliaun ba krime ofensa ba integridade fízika simples ne'ebé envolve arguidu MS hasoru lezada ES no lezadu MS, iha Distritu Viqueque.

Ministériu Públiku akuza arguidu kontra artigu 145 Kódigu Penál kona-ba ofensa ba integridade fízika simples ho moldura penal too tinan 3 ka multa.

Iha prosesu tentativa konsiliaun ne'e, arguidu husu diskulpa ba lezada no lezadu no promete sei la komete tan krime hanesan hasoru sira. Tanba ne'e lezada no lezadu husu ba Tribunál atu deziste sira nia-keixa hasoru arguidu.

Ministériu Públiku no Defeza apresia akordu dame hosi parte sira no tanba ne'e husu ba Tribunál atu omologa akordu ne'e.

Bazeia ba akordu hosi parte rua no pedidu dezisténsia keixa hosi lezada no arguidu, Tribunál konsidera no omologa akordu dame no pedidu dezisténsia keixa ne'e.

28. Krime ofensa ba integridade fízika simples

Nú. Prosesu : 0006/16/VQOSU
Kompozisaun Tribunál : Singulár
Juis : Dr. Antonio Fonseca
Ministériu Públiku : Dr. Domingos Barreto

Defeza : Dr. Jose Maria Caetano Guterres
Tipu desizaun : Omologa pedidu dezisténsia keixa

Iha 15 Novembru 2016, Tribunál Distritál Baucau liu hosi Tribunál movél iha Distritu Viqueque prezide julgamentu tentativa konsiliausaun ba krime ofensa ba integridade fízika simples ne'ebé envolve arguidu JdC no JCHS hasoru lezadu JCH no OMP, iha Distritu Viqueque.

Ministériu Públiku akuza arguidu sira kontra artigu 145 Kódigu Penál kona-ba krime ofensa ba integridade fízika simples ho moldura penal too tinan 3 ka multa.

Iha prosesu tentativa konsiliausaun ne'e, arguidu sira husu diskulpa ba lezadu sira no promete sei la repete tan krime hanesan hasoru lezadu sira iha futuru. Tanba ne'e lezadu sira husu ba Tribunál atu deziste sira nia-keixa kontra arguidu sira.

Ministériu Públiku no Defeza apresia no konkorda ho akordu ne'ebé parte rua decide ona no husu ba Tribunál atu omologa akordu ne'e.

Bazeia ba akordu hosi parte rua no pedidu dezisténsia keixa hosi lezadu sira, Tribunál konsidera no omologa akordu hosi pedidu dezisténsia keixa ne'e.

29. Krime ofensa ba integridade fízika simples

Nú. Prosesu : 0002/16/VQWTL
Kompozisaun Tribunál : Singulár
Juis : Dr. Antonio Fonseca
Ministériu Públiku : Dr. Domingos Barreto
Defeza : Dr. Jose Maria Caetano Guterres (Defensória
Públika)
Tipu desizaun : Omologa pedidu dezisténsia keixa

Iha 15 Novembru 2016, Tribunál Distritál Baucau liuhosi Tribunál movél iha Distritu Viqueque prezide julgamentu tentativa konsiliausaun ba krime ofensa ba integridade fízika simples ne'ebé envolve arguidu AdS hasoru lezadu DF, iha Distritu Viqueque.

Ministériu Públiku akuza arguidu kontra artigu 145 Kódigu Penál kona-ba ofensa ba integridade fízika simples ho moldura penal too tinan 3 ka multa.

Iha prosesu tentativa konsiliausaun ne'e, arguidu husu diskulpa ba lezadu no promete sei la komete tan krime hanesan hasoru lezadu iha futuru. Tanba ne'e lezadu husu ba Tribunál atu deziste nia-keixa hasoru arguidu.

Ministériu Públiku no Defeza apresia akordu ne'ebé parte rua decide ona no husu ba Tribunál atu omologa akordu ne'e.

Bazeia ba akordu hosi parte rua no pedidu dezisténsia keixa hosi lezadu, Tribunál konsidera no omologa akordu dame ne'e no pedidu dezisténsia hosi lezadu.

30. Krime maus tratus ba kónjuje

Nú. Prosesu : 0126/14. PDBU
Kompozisaun Tribunál : Koletivu
Juis : Dra. Jose Q.S.Celestino
: Dr. Antonio Fonseca
: Dr. Hugo da Cruz Pui
Ministériu Públiku : Dr. Domingos Barreto
Defeza : Dr. Jose Maria Caetano Guterres (Defensória Pública)
Tipu desizaun : Pena prizaun tinan 2 suspende ba tinan 2

Iha 17 Novembru 2016, Tribunál Distritál Baucau liu hosi Tribunál movél iha Distritu Viqueque prezide leitura akordaun ba krime maus tratus ba kónjuje ne'ebé envolve arguidu MdC hasoru nia feen, iha Distritu Viqueque.

Ministeriou Públiku akuza katak, iha 30 Marsu 2013, iha tuku 15.00 lokraik, arguidu lori ai-suak baku dala 1 iha lezada nia ain-kabun nia sorin-karuk no baku dala dala 1 iha lezada nia kotuk laran.

Ministériu Públiku mós akuza katak iha data ne'ebé la apuradu maibé iha fulan Marsu 2012, arguidu baku dala barak iha lezada nia isin lolon no kauza lezada monu ba rai. Depoizde ne'e arguidu kontinua rasta lezada no kauza lezada abortus tanba lezada isin rua hela.

Ministériu Públiku akuza arguidu kontra artigu 154 Kódigu Penál kona-ba krime maus tratus ba kónjuje ho moldura penál tinan 2 too 6 no konjuga ho artigu 2, 3 no 35 letra (a) LKVD.

Iha julgamentu, arguidu deklarata katak iha faktus balun loos no balun laloos. Faktus ne'ebé laloos mak iha akontesementu ne'e lezada la abortus no la isin rua, lezada abortus duni maibé antes akontesementu. Iha parte seluk, lezada kontinua reforsa deklarasaun arguidu nian kona-ba faktus seluk katak iha momentu ne'eba nia la isin rua no la abortus.

Iha alegasaun finál, Ministériu Públiku haktuir katak arguidu nega faktus balun no lezada konfirma mós arguidu nia deklasaun. Tanba ne'e husu ba Tribunál aplika pena prizaun tinan 2 suspende ba tinan 2. Enkuantu Defeza haktuir katak arguidu konfesa deit faktus ne'ebé nia komete no konfirma mós hosi lezada. Tanba ne'e husu bá Tribunál aplika pena ne'ebé adekuaudu ba arguidu.

Depoizde avalia faktus provadu sira ne'ebé produs durante julgamentu, Tribunál Tribunál konklui prosesu ne'e no kondena arguidu ho pena prizaun tinan 2 suspende ba tinan 2.

31. Krime maus tratus ba kónjuje

Nú. Prosesu : 0026/15.WQWTL
Kompozisaun Tribunál : Koletivu
Juis : Dra. Jose Q.S.Celestino
Dr. Antonio Fonseca
Dr. Hugo da Cruz Pui
Ministériu Públiku : Dr. Dominggos Barreto
Defeza : Dr. Jose Maria Caetano Guterres (Defensória Pública)
Tipu desizaun : Pena prizaun tinan 2 suspende ba tinan 2

Iha 17 Novembru 2016, Tribunál Distritál Baucau liu hosi Tribunál movél iha Distritu Viqueque prezide julgamentu leitura akordaun ba krime maus tratus ba kónjuje ne'ebé envolve arguidu CFG hasoru nia feen, iha Distritu Viqueque.

Ministeriu Públiku akuza karak iha 31 Dezembru 2015 iha tuku 8.00 dadersan, arguidu tuku dala 1 iha lezada nai hirus matan no dala 1 iha lezada nia kabun. Arguidu mós buti lezada nia kakorok no riba lezada ba rai no kontinua sama lezada nia liman.

Ministériu Públiku akuza mós katak iha data ne'ebé la apuradu maibé iha tinan 2011, arguidu basa dala barak iha lezada nia hasan no amesa atu oho lezada.

Ministériu Públiku akuza arguidu kontra artigu 154 Kódigu Penál kona-ba maus tratus ba kónjuje ho moldura penál tinan 2 too 6 no konjuga ho artigu 2, 3 no 35 letra (a) LKVD.

Iha julgamentu, arguidu konfesa faktus hotu iha akuzasaun no deklarata katak arepende ona nia hahalok no promete iha futuru sei la komete tan krime hanesan hasoru lezada. Aleinde ne'e lezada kontinua reforsa faktus sira iha akuzasaun.

Iha alegasaun finál, Ministeriu Públiku haktuir katak arguidu konfesa faktus hotu iha akuzasaun, no arepende ona nia hahalok. Tanba ne'e husu ba Tribunál aplika pena prizaun tinan 1 fulan 6 suspende ba tinan 2.

Enkuantu Defeza mós haktuir katak arguidu konfesa faktus hotu iha akuzasaun, arepende ona nia hahalok no diak malu ona ho lezada. Tanba ne'e husu bá Tribunál aplika pena ne'ebé adekua ba arguidu.

Depoizde avalia faktus provadu sira ne'ebé produs durante julgamentu, Tribunál konklui prosesu ne'e no kondena arguidu ho pena prizaun tinan 2 suspende ba tinan 2.

Atu hetan informasaun kompleitu, favor kontaktu:

Luis de Oliveira Sampaio
Executive Director of JSMP

E-mail : luis@jsmp.minihub.org